



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ԽՈՐՀՈՒՐԴ

Ո Ր Ո Շ ՈՒ Մ

ՓԱՍՏԱԲԱՆՆԵՐԻ ՊԱԼԱՏԻ ԽՈՐՀՐԴԻ 15.03.2019թ. ԹԻՎ 5/13-Լ ՈՐՈՇՄԱՄԲ ՀԱՍՏԱՏՎԱԾ ՈՐԱԿԱՎՈՐՄԱՆ ՔՆՆՈՒԹՅԱՆ ԸՆԴՈՒՆՄԱՆ ԵՎ ՀԱՆՁՆՄԱՆ ԿԱՐԳԻ ՀԱՎԵԼՎԱԾԸ ՀԱՆԴԻՍԱՑՈՂ ԱՐՏԱԿԱՐԳ ԴԵՊՔԵՐՈՒՄ ՈՐԱԿԱՎՈՐՄԱՆ ՔՆՆՈՒԹՅԱՆ ԸՆԴՈՒՆՄԱՆ ԵՎ ՀԱՆՁՆՄԱՆ ԿԱՐԳՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հայաստանի Հանրապետության փաստաբանների պալատի (**այսուհետ՝ Պալատ**) խորհուրդը, մասնակցությամբ Պալատի խորհրդի նախագահ Արա Զոհրաբյանի, խորհրդի անդամներ՝ Կարապետ Աղաջանյանի, Հրանտ Անանյանի, Մելանյա Առուստամյանի, Սեդրակ Ասատրյանի, Սիմոն Բաբայանի, Գայանե Դեմիրջյանի, Տիգրան Խուրշուդյանի, Հարություն Հարությունյանի և Նելլի Հարությունյանի,

հաշվի առնելով ՀՀ փաստաբանների պալատի խորհրդի 15.03.2019թ. թիվ 5/13-Լ որոշմամբ հաստատված Որակավորման քննության ընդունման և հանձնման կարգի հավելվածը հանդիսացող «Արտակարգ դեպքերում որակավորման քննության ընդունման և հանձնման կարգ»-ում (**այսուհետ՝ Կարգ**) փոփոխություններ և լրացումներ կատարելու անհրաժեշտությունը,

ղեկավարվելով «Փաստաբանության մասին» օրենքի 45.11-րդ հոդվածի 2-րդ մասի, «Նորմատիվ իրավական ակտերի մասին» օրենքի 1-ին հոդվածի 2-րդ մասի, 13-րդ հոդվածի 9-րդ մասի, 33-րդ հոդվածի 1-ին մասի 1-ին և 3-րդ կետի, 33-րդ հոդվածի 3-րդ մասի, 34-րդ հոդվածի 1-ին, 2-րդ և 3-րդ մասերի, ինչպես նաև Պալատի կանոնադրության 16.5 կետի 34-րդ ենթակետի և 18.6 կետի պահանջներով,

Ո Ր Ո Շ Ե Ց

1. Կարգի 9-րդ կետը «Որակավորման քննությանը» բառերից առաջ լրացնել «**Հեռավար կարգով**» բառերը:

2. Կարգի 10-րդ կետը «միջոցների օգտագործմամբ» բառերից հետո լրացնել «, **բացառությամբ սույն կարգում նշված դեպքի**» արտահայտությամբ:

3. Կարգի «III.» գլխի վերնագիրը շարադրել հետևյալ խմբագրությամբ. «**III. Հեռավար կարգով որակավորման քննության գործընթացը**»:

08 մայիսի 2020թ.

թիվ 10/5-Լ

4. Կարգը լրացնել հետևյալ բովանդակությամբ III¹ գլխով.

«III¹ Հեռավար կարգով որակավորման քննությունը հանձնելու հնարավորություն չունեցող անձանց որակավորման քննության կազմակերպումը

21¹ Հեռավար կարգով որակավորման քննությունը հանձնելու հնարավորություն չունեցող և սույն կարգի 7-րդ կետում նշված ձևաթղթի դիմումում համապատասխան նշում կատարած հավակնորդների որակավորման քննությունը կարող է կազմակերպվել Փաստաբանների պալատի (Փաստաբանական դպրոցի) վարչական շենքում՝ ապահովելով հետևյալ պայմանները՝

- 1) մեկ լսարանում միաժամանակ քննություն հանձնող հավակնորդների քանակ չի կարող գերազանցել 9 անձը.
- 2) քննություն հանձնող հավակնորդների միջև հեռավորությունը պետք է կազմի առնվազն 1,5 մետր.
- 3) քննություն հանձնող հավակնորդները պետք է շենքում և քննության ամբողջ ընթացքում կրեն դիմակներ և ձեռնոցներ:

21² Սույն կարգի 21¹ կետով սահմանված դեպքում որակավորման քննությանը մասնակցող հավակնորդը պետք է ներկայանա անհատական ծանուցման մեջ նշված օրը և ժամին՝ անձը հաստատող փաստաթղթով: Որակավորման քննությունից ուշացած կամ առանց անձը հաստատող փաստաթղթի ներկայացած հավակնորդին չի թույլատրվելու մասնակցել որակավորման քննությանը:

21³ Հավակնորդներն իրենց աշխատասեղաններն ընտրում են վիճակահանության միջոցով:

21⁴ Թեստային առաջադրանքը հավակնորդը լրացնում է համակարգչով, որից հետո այն փայում է մեկ օրինակ, փպագրված առաջադրանքի վրա գրում է իր անունը, ազգանունը, ստորագրում է այն և հանձնում հանձնաժողովի անդամին:

21⁵ Հավակնորդին չի թույլատրվում որևէ պատրվակով լքել որակավորման քննության սենյակը, իսկ քննական սենյակն ինքնակամ լքած հավակնորդը համարվում է որակավորման քննությունը չհանձնած:

21⁶ Քննությունը սկսված համարվելու պահից 30 րոպեի ընթացքում հավակնորդները էլեկտրոնային եղանակով կատարում են իրենց նշումները և փայում առաջադրանքը: Եթե հավակնորդը քննությունը սկսված համարվելուց 30 րոպե հետո առաջադրանքը չի հանձնում Հանձնաժողովի անդամին, ապա փվյալ հավակնորդը համարվում է որակավորման քննությունը չհանձնած:

21⁷ Քննության ամբողջ ընթացքը և համակարգիչների էկրանները կարող են փեսաձայնագրվել:

21⁸ Սույն կարգի մյուս գլուխների պահանջները փարածվում են նաև սույն գլխով սահմանված կարգով քննություն հանձնող հավակնորդների նկատմամբ:»:

5. Կարգի 39-րդ կետը լրացնել հետևյալ բովանդակությամբ երրորդ նախադասությամբ. «Ընդհանուր կարգը կիրառվում է նաև՝ 1) սույն կարգի III¹ գլխի պահանջների համաձայն որակավորման քննություն հանձնող հավակնորդների նկատմամբ՝ Ընդհանուր կարգի 66-րդ, 67-րդ, 68-րդ, 69-րդ,

70-րդ, 71-րդ և 72-րդ կետերի մասով, ինչպես նաև 2) դիտորդներ ներգրավելու հարցերով՝ Ընդհանուր կարգի դիտորդներին (դիտորդական կազմակերպություններին) վերաբերող կանոնների մասով:»:

6. Կարգի 55-րդ կետում «դեպքի» բառը փոխարինել «դեպքերի» բառով:

7. Հանձնարարել Պալատի խորհրդի քարտուղարին սույն որոշումը հրապարակել Պալատի կայքում:

Հայաստանի Հանրապետության
փաստաբանների պալատի
խորհրդի նախագահ՝

Արա Զոհրաբյան

08 մայիսի 2020թ.
թիվ 10/5-Լ
ք. Երևան